

შპს „მარაბდა-კარწახის რკინიგზა“

შპს „ინტერავტო თრეიდიנגი“

ხელშეკრულება №115-17

საქონლის შესყიდვის შესახებ

ქ. თბილისი
29/08/2017 წელი

ხელშეკრულების მხარეები:

ერთი მხრივ, შპს „მარაბდა-კარწახის რკინიგზა“ (შემდგომში - შემსყიდველი), მისი დირექტორის ლევან კანკავას სახით და მეორე მხრივ, შპს „ინტერავტო თრეიდიנגი“ (შემდგომში - მიმწოდებელი), მისი დირექტორის ალექსანდრე ბეროშვილის სახით, საქართველოს მთავრობის 11.12.2015წ. №613 დადგენილებით დამტკიცებული „შპს მარაბდა-კარწახის რკინიგზისთვის“ მომსახურებისა და საქონლის შესყიდვების სპეციალური წესის“ მე-3 მუხლის მე-2 პუნქტის „დ“) ქვეპუნქტის საფუძველზე დებენ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1 შემსყიდველი ყიდულობს მიმწოდებლისაგან ერთ ცალ აკუმულატორს „45ა ვარტა“ (შემდგომში – საქონელი) წინამდებარე ხელშეკრულებით გათვალისწინებული პირობების შესაბამისად.

მუხლი 2. სახელშეკრულებო ღირებულება და ანგარიშსწორება

- 2.1 ხელშეკრულების ღირებულება შეადგენს 170.00 (ას სამოცდაათი) ლარს, დღგ-ს ჩათვლით.
- 2.2 მხარეები თანხმდებიან, რომ ამ მუხლის 2.1 პუნქტში აღნიშნული სახელშეკრულებო ღირებულების გაზრდა დაუშვებელია.
- 2.3 მიმწოდებელთან ანგარიშსწორება განხორციელდება მხარეთა მიერ საქონლის მიღება-ჩაბარების აქტის ხელმოწერისა და მიმწოდებლის მიერ შემსყიდველისათვის სასაქონლო ზედნადებისა და ანგარიშფაქტურის წარდგენიდან 10 (ათი) სამუშაო დღის განმავლობაში.
- 2.4 ანგარიშსწორება განხორციელდება ნაღდი ან უნაღდო ანგარიშსწორების ფორმით, ლარში. ნაღდი ანგარიშსწორების შემთხვევაში, მიმწოდებელი ვალდებულია თანხის ანაზღაურებისთანავე შემსყიდველის წარმომადგენელს გადასცეს სალაროს ჩეკი.

მუხლი 3. საქონლის ხარისხი და გარანტია

- 3.1 მიმწოდებელი იძლევა გარანტიას, რომ საქონლის ხარისხი სრულად დააკმაყოფილებს შემსყიდველის მოთხოვნებს;
- 3.2 საგარანტიო პერიოდი, რომლის განმავლობაშიც მიმწოდებელი ვალდებულია უზრუნველყოს ნაკლის მქონე საქონლის შეცვლა ან/და ხარვეზის აღმოფხვრა შეადგენს შემსყიდველისათვის საქონლის მიწოდებიდან 1 (ერთი) წელს.
- 3.3 გარანტიის მოქმედების პერიოდში მიმწოდებელმა საკუთარი ხარჯით უნდა უზრუნველყოს ნაკლის მქონე საქონლის შეცვლა ან/და ხარვეზის აღმოფხვრა შემსყიდველის შეტყობინების მიღებიდან არაუგვიანეს 5 (ხუთი) სამუშაო დღის ვადაში.

მუხლი 4. საქონლის მიწოდების ვადები

- 4.1 საქონლის მიწოდება უნდა განხორციელდეს წინამდებარე ხელშეკრულების ხელმოწერიდან 10 (ათი) კალენდარული დღის განმავლობაში, შემსყიდველის მოთხოვნის შესაბამისად.

მუხლი 5. საქონლის მიღება-ჩაბარების წესი

- 5.1 თუ საქონელი აკმაყოფილებს შემსყიდველის მოთხოვნებს, მაშინ მხარეთა შორის ფორმდება საქონლის მიღება-ჩაბარების აქტი.
- 5.2 საქონელი ჩაითვლება მიღებულად მხარეთა მიერ მიღება-ჩაბარების აქტის ხელმოწერის დღიდან.
- 5.3 შემსყიდველის მხრიდან მიღება-ჩაბარების აქტის ხელმოწერის უფლებამოსილება ენიჭება შპს „მარაბდა-კარწახის რკინიგზა“-ის თანამშრომელს ლევან ქაფიანიძეს (მოქალაქის პირადობის მოწმობა: №01025014421).

მუხლი 6. საქონლის მიწოდების ადგილი

- 6.1 საქონლის მიღება უნდა განხორციელდეს მიმწოდებლის ფაქტიური ადგილსამყოფელის შესაბამისად.

მუხლი 7. შემსყიდველის ძირითადი უფლება-მოვალეობანი

- 7.1 შემსყიდველს უფლება აქვს:
 - 7.1.1 მოსთხოვოს მიმწოდებელს ხელშეკრულების ჯეროვანი და კეთილსინდისიერი შესრულება;
 - 7.1.2 შეამოწმოს საქონლის ხარისხი;
 - 7.1.3 მოსთხოვოს მიმწოდებელს ინფორმაცია საქონლის შესახებ.
- 7.2 შემსყიდველი ვალდებულია დაიცვას ხელშეკრულებით განსაზღვრული პირობები.

მუხლი 8. მიმწოდებლის ძირითადი უფლება-მოვალეობანი

- 8.1 მიმწოდებელს უფლება აქვს:
 - 8.1.1 მოითხოვოს შემსყიდველისაგან საქონლის ღირებულების დროული გადახდა და ხელშეკრულების სხვა პირობების შესრულება.
- 8.2 მიმწოდებელი ვალდებულია:
 - 8.2.1 მიაწოდოს შემსყიდველს საქონელი, წინამდებარე ხელშეკრულებით გათვალისწინებული პირობების დაცვით;
 - 8.2.2 საგარანტიო პერიოდში უზრუნველყოს წინამდებარე ხელშეკრულების მე-3 მუხლით განსაზღვრული საგარანტიო პირობების შესრულება.
 - 8.2.3 ჯეროვნად შეასრულოს ხელშეკრულებით გათვალისწინებული სხვა ვალდებულებები.

მუხლი 9. ხელშეკრულების შესრულების კონტროლი

- 9.1 შემსყიდველს უფლება აქვს ნებისმიერ დროს შეამოწმოს მიმწოდებლის მიერ ნაკისრი ვალდებულებების შესრულების მდგომარეობა.

მუხლი 10. ხელშეკრულების პირობების შეუსრულებლობა

- 10.1 მიმწოდებელი პასუხისმგებელია შემსყიდველისათვის მიწოდებული საქონლის ხარისხზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას მიადგა საქონლის უხარისხობის გამო.
- 10.2 „მიმწოდებლის“ მიერ წინამდებარე ხელშეკრულებით გათვალისწინებული ვალდებულებების შეუსრულებლობის ან/და არაჯეროვნად შესრულების შემთხვევაში, „შემსყიდველი“ უფლებამოსილია მოსთხოვოს „მიმწოდებელს“ პირგასამტეხლოს გადახდა სახელშეკრულებო ღირებულების 0,1%-ის ოდენობით ყოველ ვადაგადაცილებულ დღეზე.
- 10.3 პირგასამტეხლოს გადახდა არ ათავისუფლებს მიმწოდებელს საქონლის მიწოდების ვალდებულებისაგან.
- 10.4 ამ მუხლით გათვალისწინებული პირგასამტეხლოების გადახდა შესაძლებელია განხორციელდეს მიმწოდებლისათვის ასანაზღაურებელი საქონლის ღირებულებიდან შესაბამისი თანხის გამოქვითვის საშუალებით.

მუხლი 11. ფორს-მაჟორი

- 11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა, ან დარღვევა და არ გამოიწვევს საჯარიმო სანქციების გამოყენებას.
- 11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებითა და სხვა.
- 11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, ფორს-მაჟორის არსებობის თაობაზე სახელმწიფოს შესაბამისი უფლებამოსილი ორგანოს დამადასტურებელი ცნობის (წერილის) თანდართვით, თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების მიხედვით აგრძელებს

ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული გზები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

- 11.4 ფორს-მაჟორულ გარემოებად არ ჩაითვლება ისეთი მოვლენები, რომელთა მოსალოდნელი დადგომის შესახებ წინამდებარე ხელშეკრულების შესაბამისი მხარისთვის, წინასწარ ცნობილი იყო და/ან წინამდებარე ხელშეკრულების გაფორმების დროისათვის ცნობილი უნდა ყოფილიყო.

მუხლი 12. ხელშეკრულების პირობების გადასინჯვის შესაძლებლობა

- 12.1 ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 12.2 თუ წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 12.3 ამ მუხლის 12.2 პუნქტის შესაბამისად ხელშეკრულებაში ცვლილების შეტანის მოთხოვნისას, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვება ხელშეკრულების პირობების შეცვლის აუცილებლობა.
- 12.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ხელშეკრულების მოქმედების ვადა

- 13.1 ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2017 წლის 30 ოქტომბრის ჩათვლით.
- 13.2 მე-13 მუხლის 13.1 პუნქტში მითითებული ხელშეკრულების მოქმედების ვადა არ ვრცელდება წინამდებარე ხელშეკრულების მე-3 მუხლით, 8.2.2, 10.1 და 10.2 პუნქტებით გათვალისწინებულ პირობებზე.

მუხლი 14. დავების გადაწყვეტის წესი

- 14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების მეშვეობით მოაგვარონ ნებისმიერი უთანხმოება და დავა, წარმოქმნილი ხელშეკრულების ან მასთან დაკავშირებული საკითხების ირგვლივ.
- 14.2 თუ ასეთი მოლაპარაკების დაწყებიდან 5 დღის განმავლობაში შემსყიდველი და მიმწოდებელი ვერ შესძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

მუხლი 15. უფლებების გადაცემა

- 15.1 მიმწოდებელს არა აქვს უფლება შემსყიდველის წერილობითი თანხმობის გარეშე, მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

მუხლი 16. ხელშეკრულების შესრულების შეფერხება

- 16.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

მუხლი 17. ხელშეკრულების შეწყვეტა

- 17.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 17.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 5 კალენდარული დღით ადრე.
- 17.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 17.4 ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

მუხლი 18. ურთიერთობა ხელშეკრულების დამდებ მხარეებს შორის

- 18.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას, წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის, დეპეშის, ტელექსის, ან ფაქსის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს ან ხელშეკრულებაში მითითებულ იურიდიულ მისამართზე, საფოსტო გზავნილის გაგზავნის მეშვეობით.

მუხლი 19. დასკვნითი დებულებები.

- 19.1 ხელშეკრულება შეიცავს **20 მუხლს**, შედგენილია **5 ფურცელზე**, ორი თანაბარი იურიდიული ძალის მქონე ეგზემპლარად.
- 19.2 ხელშეკრულების თითო ეგზემპლარი გადაეცემა მხარეებს.

მუხლი 20. მხარეთა რეკვიზიტები

- 20.1 **შემსყიდველის რეკვიზიტები:** მისამართი: თბილისი, დ. აღმაშენებლის გამზ. №150; საიდენტ. კოდი: 204522436; საბანკო რეკვიზიტები: ს.ს. „აზერბაიჯანის საერთაშორისო ბანკი - საქართველო“, ა/ა GE31 AZ00 3450 0000005101, ბანკის კოდი IBAZGE22.
- 20.2 **მიმწოდებლის რეკვიზიტები:** მისამართი: თბილისი, ხოშარაულის №30; საიდენტ. კოდი: 206211936; საბანკო რეკვიზიტები: ს.ს. „თი ბი სი ბანკი“, ა/ა GE53TB 1171936020100001, ბანკის კოდი TBCBGE22.

მხარეთა ხელმოწერები:

შემსყიდველი:
შპს „მარაბდა-კარწახის რკინიგზა“

დირექტორი
ლევან კანკავა



მიმწოდებელი:
შპს „ინტერავტო-თრეიდინგი“

დირექტორი
ალექსანდრე ბეროშვილი

